



# education

---

Department:  
Education  
**REPUBLIC OF SOUTH AFRICA**

**NATIONAL  
SENIOR CERTIFICATE**

**LIBANGA 12**

**SISWATI LULWIMI LWASEKHAYA (HL)**

**LIPHEPHA LESIBILI (P2)**

**LWETI 2009**

**IMEMORANDAMU**

**EMAMAKI: 80**

**Lememorandamu inemakhasi langema-17.**

**SIGABA A: TINKONDLO****TINKONDLO LETIFUNDVWE EKILASINI****UMBUTO 1****INDZATJANA****UMTAPO – CD Masilela****Nankha emaphuzu langabukwa:**

- Sonkondlo utsi gogo usilulu sekulondvolota lwati.
- Sonkondlo utsi gogo ungumtapo lapho kutfolakala khona lwati, emagugu esive nemasiko.
- Sonkondlo utsi akusitakali yena yedvwa ekutfoleni lwati kulogogo kodvwa nalabanye bayasitakala.
- Gogo ufundzisa sonkondlo nalabanye aphindze acedze situnge ngekutsi abafundzise ngalokuphatselene nemphilo.
- Sonkondlo ubonga gogo loligugu nasetitukulwaneni.

**[10]****NOBE****TIMPHENDVULO TEMIBUTO LEMIFISHANE****UMBUTO 2****KUHLE KETFU! – OA Bhiya**

- 2.1 Sonkondlo usebentise sibabato ngobe akhombisa kumangala kuloku lokwentekile. (1)
- 2.2 Sifanangwaca. (1)
- 2.3 Libhokisi lemufi. (1)
- 2.4 Sonkondlo ukhuluma ngemufi/sidvimbu. (1)
- 2.5 Sonkondlo ukusebentise ngemphumelelo ngobe etihlatsini talabo labaphekeletele umufi tinyembeti tiphuma ngalokungenamkhawula ngenca yebuhlungu labakuvako. (2)
- 2.6 Kubumbana akukho ngobe emtsimbeni silindzele kutsi kube nenjabulo kodvwa lenkondlo ikhuluma ngemtsimba lomayelana nekufa lapho baphekeletela umufi baciphita tinyembeti nabuso bunyukumele. (2)

- 2.7 Sihloko asihambisani nalokushiwo yinkondlo ngobe lona lofundza lenkondlo ulindzele umcimbi lapho kujatjuliwe kube kugidvwa. Lokushiwo yinkondlo kumayelana nekufa. (2)  
[10]

**NOBE****UMBUTO 3*****BENGIKUTSANDZA SIBONGILE – ESN Mathunjwa***

- 3.1 Luchumano lolutjekile. (1)
- 3.2 Yiliriki. (1)
- 3.3 Ngincumule. (1)
- 3.4 Yi-enjambamenti. (1)
- 3.5 Sonkondlo bekasesimeni sekujabha/sekuphelelwa ngemandla/sekudzangala, ngekwehla kwelizinga lelutsandvo lwakhe naSbongile. (2)
- 3.6 Kukhona kubumbana ngobe lutsendvo lwacala ensimini yase-Eden ekhatsi ka-Adamu na-Eva. Lenkondlo ikhuluma ngelutsandvo ekhatsi kasonkondlo naSibongelo. (2)
- 3.7 Sonkondlo usenkingeni langakhono kuyicatulula ngobe angati kutsi lolutsandvo lakulo lwemphoco nobe akusilo lwemphoco. (2)  
[10]

**NOBE****UMBUTO 4*****MKHULU – OA Bhiya***

- 4.1 Lafiphala lilanga lami,  
Lala kancane mkhulu wami! (1)
- 4.2 Sifanangwaca. (1)
- 4.3 Lomugca usimuntfutisi. Butfongo lekuyintfo lengaphili yentiwe yaba tetimphawu temuntfu lophilako. Butfongo kuba sengatsi bunetinyawo tekuhamba uma bunyonyobela umutfu kutsi agcine sekalele. (2)
- 4.4 Sonkondlo ukhuluma ngamkhulu. Lokuhlwa lakhuluma ngako sonkondlo, kufa. Loku kusho kutsi mkhulu njengobe samdzala sangashona nobe nini. Kantsi kusenokwenteka aphile sikhatsi lesidze. (2)
- 4.5 Ungumtapo welwati/Ungumvikeli/ungumchumanisi/ungumlandvo/unguyise wesive njll. (2)

- 4.6 Babakhela tindlu./Kubaholela impsheni./Kubapha kudla./Banikwe tinsita tamahhala njengemanti, gezi/Babakhele tinsita tekungcebeleka njll.

(2)  
[10]

### NA

## TINKONDLO LETINGAKAFUNDVWA EKILASINI

### UMBUTO 5

#### INDZATJANA

#### **MAGAGABULA – MP Mavuso**

Nankha emaphuzu lekufanele abe khona.

- Inkondlo ikhuluma ngaBrenda Fassie umculi lodvumile.
- Brenda Fassie ungumagagabula ngobe watakhela ludvumo umhlaba wonkhe.
- Umnyakato waBrenda uma ajayiva ayalatisa umtinjana nelukhadlwana lwakhe bekwenta tibukeli tijabule tishaye tinkhwela.
- Umculo waBrenda bewuvakala emsakatweni, kumabonakudze, etindzaweni tekutijabulisa bewukhandza Brenda ajayiva sekamanti nte umjuluko.
- Brenda bekanelithalente lekucula, livi lake kuligolide, umculo wakhe bewujabulisa bantfu futsi bakwati kucitsa situnge ngemculo wakhe.
- Umculo waBrenda bewungaphuphi.
- Live labamba longentasi ngemculo waBrenda.
- Sonkondlo usola tidzakamiva i-cocaine ngekecekela phansi imphilo yaBrenda.

[10]

### NOBE

### UMBUTO 6 (IMIBUTO LEMIFISHANE)

#### **MABASA – RT Maseko**

- 6.1 Sifanangwaca. (1)
- 6.2 Kusho kutsi kwajabula wonkhe umuntfu. (1)
- 6.3 Kwajabula ngisho **nalabalala**  
Kuw' emadliza emilandvo (1)
- 6.4 Yinyanga lapho umbuso welubandlululo waphela khona Umlandvo waseNingizimu Afrika wantjintja ngobe kwaba khona kuvota kwato tonkhe tinhlanga. (3)
- 6.5 Ngumlayeto lomayelana nebunye nekuvana. (2)
- 6.6 Luchumano lolutjekile. (2)

[10]

**SAMBA SIGABA A: 30**

**SIGABA B: INOVELI****LIPHUME NEBOVU – BB Malangwane****UMBUTO 7****INDZABAMBHALO**

Timphehndvulo titawehluka.

Bahlolwa batwulandzela loluhlaka lolulandzelako:

Lushawulo.  
LaMagagula.  
Tintfombi.

Bahlolwa baveta lebakufundze ngesimilo salabalingisi lokutfufukisa indzaba:

**Lushawulo:**

Kungavetwa loku lokulandzelako ngaye:

- **Kubayinganwa** – Loku kuyayichubela embili indzaba ngobe kube akazange aganwe eMankayane ngabe Tintfombi asimboni kantsi futsi nesimilo sakhe ngabe asigucuki.
- **Kuyengeka** – Utsatseka lula nakeva kutsi unina uyatsakatsa. Loku kuyichubekisela embili lenzaba.
- **Kungacoleli** – Ngekuhlutfuka simbona acosha unina ngobe eve kutsi nguye lotsakatsa bantfwana baTintfombi.

**LaMagagula:**

Kungavela loku ngaye lokuchubekisela indzaba embili.

- **Kwetsembeka** – Loku kwenta kutsi abambebele emendvweni nasetimweni letimatima. Loku kuyayichubela embili indzaba.
- **Kubeketela** – Ngekubeketela wakhona kuhlala neninata, wahlala naTintfombi.
- **Inhlonipho** – LaMagagula ukhombisa inhlonipho kuninata, ukhombisa kutsandza zakwabo nebantfwabakhe.

**Tintfombi:**

Akuvele loku ngaye lokuchubekisela indzaba embili.

**Sibindzi** – Uletsa umntfwana longasiye waLushawulo, ubulala bantfwana bakhe kuze kucoshwe uninatala. Loku kuyichubekisela embili lenzaba ngobe Lushawulo wamcosha vele unina.**Umona:**

Umona wakhe umenta angafuni kuhlala nalabanye bantfu kube yena ubakhandze bakhona. Loku kwenteka nje indzaba iyachubeka.

**Butsakatsi:**

Kuyabonakala kutsi ngemutsi wakhe ubulele Lushawulo inhletiyo, wamenta wangasaboni liciniso nekutsi atsandze yena kuphela. Loku kuyichubela embili indzaba.

EMARUBHRIKI EKUMAKWA KWENDZABAMBHALO.

**[25]****NOBE**

**UMBUTO 8 (IMIBUTO LEMIFISHA)****LIPHUME NEBOVU – BB Malangwane**

- 8.1 8.1.1 Khetsile abebona kutsi uyise akamtsandzisisi unina, ngako-ke wabona kuncono kutsi anyenye nakahamba. (2)
- 8.1.2 Lenkhulumo isho kutsi noma ngaphila utawulahlekelwa ngulomntfwana lametfwele. (2)
- 8.1.3 Inkholo yebukhrestu nobe bekalikholwa – "iNkhosi nayivuma ngiyawuphila." (1)
- 8.1.4 Bobabili bayakholweka ngobe konkhe lebakwentako nguloku lekunekwenteka emmangweni, sibonelo: kwendza esitsenjini, kungevani kwebafati. (2)
- 8.1.5 Kunakekela batali nalamanye emalunga emndeni. (2)
- 8.1.6 Loku kwentiwa ngukutsi Khetsile bekakhatsateke kakhulu ngekugula kwenina emaphoyisa ambona angumumntfu logulako loya kudokotela, amvumela. (1)
- 8.1.7 Kugula kwaLaMagagula kwagcine kwente kutsi Lushawulo abone liciniso lekutsi umtsakatsi akusiye Lahlophe noma LaMagagula, nguTintfombi. (2)
- 8.1.8 Ingcikitsi – "Yimphilo yasesitsenjini." Kungatsandzani kwebafati baLushawulo (sikhwele), kuloyisana, kuhlukumeteka kwebantfwana. (3)
- 8.2 8.2.1 Yebo sibumbene ngobe ekugcineni Tintfombi labenta imphilo ibe munyu ekhaya, ikakhulukati kuLaMagagula, sewubonakala aphuma lomphela esiphetfweni. (2)
- 8.2.2 "Tsatsani lapha bafana ninike unyoko." (1)
- 8.2.3 Sibekandzaba senhlalo siveta kutsi lendzaba yenteka emakhaya – eMshwalubunjwayinkunzi nasemadolobheni eMankayane nase Jozi. (2)
- 8.2.4 Siento lesikhombisa kungabi nenhlonipho yemtali. Emmangweni asemukeleki ngobe tibi tasekhaya atikhishelwa ngaphandle, kuyaboniswa. (2)
- 8.2.5 Umbhali usikhombisa kutsi nangabe umuntfu angasakutsandzi, ukutondza nobe sewushonelwe. (2)
- 8.2.6 Sababuhlungu ngobeTintfombi wajika waloyisa uninatala Lushawulo wamcosha. (1)

**[25]****NOBE**

**UMBUTO 9****KUBAMBA LETINGELAKO – DE Nkosi****INDZABAMBHALO**

Timphendvulo titawehluka.

**Bahlolwa batwulandzela loluhlaka lolulandzelako:**

Singeniso.

Umtimba.

Siphetfo.

Bahlolwa bangaveta lebakufundze ngababe Sikhulu Tsabetse.

**Sikhulu Tsabetse** ungubabe longagegi ngenkhulumo, wavele watjela Mphikeleli emehlweni kwekutsi akamfuni ekhaya lakhe.

Wafuna kucoshisa Mphikeleli esikolweni.

Uma ungumuntfu kufanele ukhulume loko lokufunako ungagegi kute bantfu bakwati kahle kutsi ungumuntfu lonjani.

**Mphikelele** ungumfana lowalimela liciso ngesikhatsi selubandlululo waze wanikela nangemphilo yakhe.

Utse kububuya ekudzingisweni wachubeka nekusebentela sive saseMbalenhle.

Kutse nobe Tsabetse azama kumphatsa kabi kepha waphikelela njengeligama lakhe nebangani bakhe kutsi baletse imphucuko endzaweni yaseMbalenhle.

Umuntfu kufanele uma afuna intfo aphikelele aze ayitfole. Ummango ufundza kubeketele nekuphikelela etimweni letimatima.

**Msiti** wayengumngani lokhulu waMphikeleli. Waba ngumngani lomkhulu waMphikeleli. Akazange amshiye endleleni nobe sebefuna kumcosha esikolweni. Njengemngani wahlanganyela nalabanye bafundzi nemmango bamela Mphikeleli kutsi angacoshwa esikolweni.

Umngani locotfo akakushiya enkingeni, uba nawe ebuhleni nasebubini. Ummango ufundza kuba cotfo ngaMsiti.

**Khulumile.** Ummango ufundza kutsi kufanele uyimele indvodza yakho ngaso sonkhe sikhatsi ebumnandzini nasebubini. Khulumile phela abeyisita indvodza yakho ekuphumeleliseni tinchubomgomo endzaweni yaseMbalenhle. Khulumile abeyinika sibindzi indvodza yakhe ngemiphumela yelukhetfo.

**Matsiya Nyoni.** Matsiya bekatsatfwa njengeluhlanya esigodzini sakubo, angalalelwa kudlawa ngaye ngummango. Mphikeleli wafika wabona ingcondvo lenaMatsiya. Wacela dokotela Gamedze nenyangaDlamini kutsi bamelaphe. Welashwa waphila, waba lusito emmangweni.

Ummango kufanele ubahloniphe bantfu labangakaphili kahle engcondvweni ngobe abakatenti futsi bangabalusito kuletinye tintfo.

**LaDladla** uyinkhosikati yaSikhulu Tsabetse lonemusa. Nguye lowazama kukhuta indvodza yakhe ngalesikhatsi acosha Mphikeleli.

Ummango ungafundza inhlonipho ngaLaDladla.

EMARUBHRIKI EKUMAKWA KWENDZABAMBHALO.

[25]

**NOBE**

**UMBUTO 10 (IMIBUTO LEMIFISHA)****KUBAMBA LETINGELAKO – DE Nkosi**

- 10.1 10.1.1 Kutfolakala ludweshu lwangaphandle ngobe Magumeni akayivisisi indzaba yekutsi aphantfwe nguMphikeleli ngobe atsi wekuchamuka. (2)
- 10.1.2 Kuhle ngobe uma uhlala emmangweni nawe tingucuko uyatifuna. Kuhle kutibandzakanya netepolitiki ungatsi awutingeni ngobe ungumfundisi. (2)
- 10.1.3 Kubaluleke ngekutsi umuntfu lebamkhetsako kufanele abecotfo, abeketele atinikele ngaso sonkhe sikhatsi. Akungabi ngumuntfu lotsandza imali, asebentele esikhwameni sakhe. (2)
- 10.1.4 Akakacinisi ngobe yena akamati, wahamba asesemncane waya ekudzingisweni. (2)
- 10.1.5 Umuntfu lokhetsiwe usebentela hulumende akatisebenteli yena, uhambisa umsebenti wemmango. (2)
- 10.1.6 Tiyahambelana ngobe kukhulunywa ngetekuphucula indzawo yaseMbalenhle edolobheni ngetinsita talamuhla. (2)
- 10.1.7 Mphikeleli naMagumeni bangenela lukhetfo lwesifundzave. Bantfu bakhetsa Mphikeleli ngobe nguye bekawusebentela ngekutikhandla eMbalenhle. Magumeni bekatifunela sikhundla kuphela kepha angakhombisi kusebentela ummango nobe anguthishela. (3)
- 10.2 10.2.1 Imingcwabo yakadzeni beyihlonishwa kudla kuta nabomakhelwane kepha nyalo labaya emangcwabeni bayela kofuna kudla, babange nemsindvo, imindeni leminye itinatsele tjwala. (2)
- 10.2.2 Umuntfu lofuna kufundza akangajikiswa ngobe uma sekacedzile utawulitfufukisa likhaya nendzawo yangakubo. (2)
- 10.2.3 Kufundzisana ngemasiko nemihambo yesintfu lehambelana nesifo. (2)
- 10.2.4 Emasiko. Iyahambisana ngobe ingulenywe yenchubomgomo letfutukisa sive. Ingcikitsi lesemcoka intfutuko. (2)
- 10.2.5 Kufa kuyahlonishwa ngobe kufanele kulandzelwe imihambo nemasiko. Nangabe kushoniwe akwentiwe loko lokuhambisana nesimo. (2)

**[25]****SAMBA SIGABA B: 25****NOBE**



**SIGABA C: UMDLALO****UMBUTO 11****KWAHLWA EMINI – JJ Thwala****Kuhambelana kwebalingisi nengcikitsi yemdlalo.****Sibonelo semaphuzu langena ngaphasi kwendzabambhalo singeniso:**

Bahlolwa batawuchaza ingcikitsi yalomdlalo kutsi ingumbango webukhosi bese bayasho kutsi kubalulekile kutsi balingisi kuko konkhe labakwentako kuphatselane nengcikitsi.

**UMTIMBA:****MKHALELWA**

Mkhalelwa uhambelana kahle kakhulu nalengcikitsi ngobe nguye lowacala lenkinga ngekubeka Mkhosi esihlalweni sebukhosi. Loko ngiko lokwavulela ludweshu lwalombango.

**MAKHOSI**

Makhosi uphatselene ngco nalombango webukhosi ngobe sive sididekile ngalokubekwa kwakhe abe angulomncane kunaNKhanise.

**NKHANISE**

Nkhanise uphatselene ngco nalengcikitsi ngobe nguye loyimbangi yaMakhosi, ngobe atsi yena nguye lofanele atsatse bukhosi njengendlalifa yaMkhalelwa.

**SIPHETFO:**

Bahlolwa kumele basonge onkhe emaphuzu labacoce ngawo emtimbeni wendzabambhalo. Lokunye lokubalulekile kuphawula ngemphumelelo nobe kwehluleka kwembhali ekubhaleni umdlalo lonebalingisi lababumbene nengcikitsi.

EMARUBHRIKI EKUMAKWA KWENDZABAMBHALO.

**[25]****NOBE****UMBUTO 12 (IMIBUTO LEMIFISHA)****KWAHLWA EMINI – JJ THWALA**

- 12.1 Lamavi aSifiso angemaciniso ngobe vele Nkhanise nelicembu lakhe bebakha luzungu lwekubulala Makhosi. Nesiphetfo siyayifakaza lengoti lebeyishiwo nguSifiso. (2)
- 12.2 Sifiso ungumdlali lotfutfukako ngobe njalo naketa kuMakhosi, uta nemasu lamasha ekulinga kuncoba Nkhanise nelicembu lakhe. (3)
- 12.3 Indlela lakhuluma ngayo Makhosi ikhombisa kuba nemoya lophasi nalonelucolo, njengemuntfu longevani neludlame. (2)

- 12.4 Emimangweni lesiphila kuyo lusha lunemacembu latibita ngekutsi angemagenge. Lamacembu alwa odvwa abange tintfo letehlukene njengetintfombi, tidzakamiva, nalokunye, njengobe emacembu aboNkhanise naMakhosi abanga bukhosi. (3)
- 12.5 Umfelandzawonye usho kubumbana kwebantfu belicembu linye. Ieligama linebudlelwano nalokwenteka emacenjini aboNkhanise naMakhosi ngobe bebabumbene bayimbumba. (2)
- 12.6 Kubhebhethseka kweludvweshu:  
Mkhalelwa ubeka Makhosi endzaweni yekutsi abeke Nkhanise. Loko kwalubhebhethsekisela embili ludvweshu.  
Makhosi wachubeka ngekulwa naNkhanise kubangwa lobukhosi.  
Bangani baboMakhosi naNkhanise abazange balugobe luphondvo bafuna ngulowo nalowo umngani wakhe angene esikhundleni.  
Unina waNkhanise nenina waMakhosi nabo bebagcugcutela bantfwababo kutsi bangalugobi luphondvo (Kubili kwaloku lokubaliwe). (2)
- 12.7 Ekugcineni kwemdlalo, umdlali longubangiswako kulindzeleke kutsi abambe lichaza kusukela ekucaleni kwemdlalo kuze kuyewufika ekugcineni lapho ancoba khona. Makhosi usuke nemdlalo ekucaleni kwawo wagcina ancobile atsetse bukhosi ekugcineni. (2)
- 12.8 Lesicashunwa singadlaleka kalula enkhundleni ngobe kute tihibe kulenkhumiswano yabo, bahleti njengemajaha bayabonisana. (2)
- 12.9 Uma ufundza lomusho lolulwimi lunotse kakhulu, lunetisho: *'Ungatsatsi ngemawala'./Bese sitsatsa tinyatselo.*  
Kunesinongo senkhulumo lesisifaniso: *'Bindza ngatsi ufile'.* (3)
- 12.10 Lamavi aMakhosi alinga kugucula umcondvo waSifiso weludlame. (2)
- 12.11 Imibono itawehluka. Labanye batawutsi ufuna sikhundla kantsi labanye batawutsi akafuni lutfo kuphela nje ukhombisa bungani lobucotfo. (2)

**[25]****NOBE**

**TIMPHENDVULO TEMVUZO****UMBUTO 13****UMVUZO – NS Nzima****INDZABAMBHALO**

**Lomdlalo uyabonakala kutsi uhamba nekuntjintja kwesikhatsi etimphilweni tebantfu, ikakhulukati kutemfundvo.**

**SINGENISO:****Sibonelo:**

Bahlolwa bachaza sihloko basho ngalokufisha kutsi kuntjintja kwesikhatsi kushoni nekutsi kubakhona lapho loluntjintjo lubonakala khona, sib. Indlela yekukuphila emmandweni, indlela lekufundvwa ngayo etikolweni.

**UMTIMBA:**

Bahlolwa abaphawule ngalamaphuzu lalandzelako:

- Luntjintjo lwemfundvo leseyikhona lomuhla, yemiphumelamcoka, letfutukisako, nemiphumela yekufundza nemakhono.
- Kubandzakanyeka kwebafundzi ekutsatseni tincumo temmango njengekucamba emagama etikhungo.
- Kubaluleka kwenchuboyelwati lwendzabuko lapho tinyanga netangoma ticatsatela bafundzi ngelwati lwendzabuko.
- Linani lebafundzi eklasini njengobe bambalwa nje eklasini laboBatjele, njll.
- Luphenyo lolwentiwa bafundzi emaklasini, njll.

**SIPHETFO:**

Bahlolwa balindzeleke kutsi basonge emaphuzu labacoce ngawo emtimbeni wenzaba – besekele sihloko – basho kutsi vele luntjintjo lukhona nobe alukho – kakhulukati kutemfundvo.

EMARUBHRIKI EKUMAKWA KWENDZABAMBHALO.

**[25]**

**NOBE****UMBUTO 14 (IMIBUTO LEMIFISHA)****UMVUZO – NS Nzima**

- |      |  |     |
|------|--|-----|
| 14.1 | Kufundzisa bafundzi ngemphilo yangaphandle kweliklasi, temphilo, temasiko, njll (kunye kwaloku) (Imibono itawehluka)                 | (1) |
| 14.2 | Batjele ngumdlali loyindilinga ngobe wacala kahle asebensana nebangani bakhe kodvwa ekugcineni wabajikela waze wayolala esibhedlela. | (2) |
| 14.3 | Sicakacaka sibonakala lapho boBatjele naMlandzeli bangasafuni kuhamba ngetimiso nemihambo yebangani babo.                            | (2) |

- 14.4 (Imibono itawehluka) sib. Uma bafundzi bacabana, uma umfundzi acabana nathishela, nalokunye. (2)
- 14.5 Ingcikitsi yalencwadzi yimfundvo. Balingisi babumbene nayo ngobe bacoca ngemfundvo eklasini nangaphandle kweliklasi. (2)
- 14.6 Thishela kumele abeketele, abe nesineke, abe nenhlitiyo lenhle. (2)
- 14.7 Batjele abegcogca yonkhe imibuto kube nebantfu labakhetsiwe kutsi batawubuta leyo mibuto, kubuye kube lotawuba ngusihlalo, bafundzi bebaphendvula ngekulawulwa kubalekela kungenana emlonyeni. (2)
- 14.8 Bafundzi bekumele bafundze kusombulula tinkinga tabo babuye bayati indzawo yathishela nemisebenti yakhe kute bamhloniphe emmangweni. (imibono ingehluka) (2)
- 14.9 Ulilandzele ngobe bekunguye emdlalweni wonkhe lobekabatjela lokumele kwentiwe. (2)
- 14.10 Yebo iyatakha ngobe Itenta tati imvelaphi, emakhosi nemasiko ato. Bahlolwa batawusho kutsi lihle nobe libi besekele. (2)
- 14.11 Lesaga sisho kutsi uma utjelwa kodvwa uphike Inkhani ugcina ungene ebubini njengaSatile lowagcina agula ngenca yesimilo sakhe lebebamtjela kutsi ehluwane naso kodvwa angafuni. (2)
- 14.12 Ligama lalomdlalo libumbene nesiphetho sawo ngobe ekugcineni wonkhe umdlali utfola umvuzo waloko abekwenta emnyakeni wonkhe. (2)
- 14.13 Balingisi lababalulekile batfola imivuzo yabo. Batjele uyaphumelela etifundweni takhe, kantsi Satile uyehluleka. (2)

**[25]****SAMBA SIGABA C: 25****SAMBA: 80**

**SICHIBIYELO A****EMARUBHRIKI EKUMAKA TINKONDLO**

| <b>EMARUBRIKI EKUMAKA INDZABAMBHALO YETINKONDLO LULWIMI LWASEKHAYA</b><br><br><b>10 EMAMAKI</b>   | <b>LULWIMI</b><br>Sakhiwo, kutselelana emanti kwemibono kanye nesetfulo. Lulwimi, umoya. Nesitayela lesisetjentisiwe endzababimbhalo. | <b>Emalengiso</b><br>Kunekubumbana kwesakhiwo.<br>- Singeniso nesiphetho kungemalengiso.<br>-Imibono yakheke kahle yatfutfukiswa ngemalengiso.<br>-Lulwimi, liphimbo nesitayela kuvutsiwe kungemalengiso. | <b>Licophelo lelisetulu</b><br>- Itheksti yakheke ngelicophelo lelisetulu.<br>- Singeniso nesiphetho kusecophelweni lelisetulu.<br>- Imibono ilandzeleka kalula.<br>- Lulwimi, liphimbo nesitayela kulungile kuhambisana nenjongo.<br>- Umbhalo wetfulwe kahle. | <b>Lokuncomekako</b><br>- Sakhiwo lesicacile nemibono levakalako.<br>- Singeniso nesiphetho naletinye tindzima kubumbene.<br>- Imibono iyevakala Lulwimi, liphimbo nesitayela kulungile. | <b>Lokwenetisako</b><br>- Kunebufakazi lobutsite besakhiwo.<br>- Umbhalo awuvisiseki futsi awukabumbani.<br>- Kunemaphutsa lambalwa elulwimi, liphimbo nesitayela lokufanene.<br>- Tindzima tikahle. | <b>Lokulingene</b><br>- Sakhiwo siveta emaphutsa ekuhlela.<br>- Imibono ihlangahlangene.<br>- Kunemaphutsa elulwimi.<br>- liphimbo nesitayela akuhambisani nenhloso yembhalo.<br>- Tindzima tinemaphutsa. | <b>Lokuyincenye</b><br>- Kwetfuleka kabi nekungahleleki kwesakhiwo kwenta imibono ingevakali.<br>- Emaphutsa elulwimi. Nesitayela lesingakalungi kwenta umbhalo longenamphumelelo.<br>- Tindzima tinemaphutsa. | <b>Lokungenamphumelelo</b><br>- Kulikhuni kubona kutsi sihloko silandzelwe.<br>- Akunabufakazi bekuhlela futsi akuvakali.<br>- Lulwimi lunemaphutsa lamanyenti.<br>- liphimbo nesitayela lokungakalungi.<br>- Akunatindzima nekubumbana. |
|---|---|---|---|--|--|---|--|--|
| <b>Lokuncomekako</b><br>- Ukhombisa kuvisisa abuye ahumushe sihloko ngalokuncomekako.<br>- Imphendvulo inemininingwane lencomekako.<br>- Unikete imibono levakalako, kepha ayikesekelwa yonkhe ngendlela lelindzelekile.<br>- Kunebufakazi bekuvisisa luhlobo lwembhalo nenkondlo ngalokuncomekako. | <b>5</b><br><br><b>60 – 69%</b>   | <b>7 – 8</b>  | <b>6½ – 7 ½</b>   | <b>6 – 7</b>   | <b>5½ – 6 ½</b>  | <b>5 – 6</b>  |  |  |

|   |                                     |                     |                        |                        |                        |                        |                     |  |
|---|-------------------------------------|---------------------|------------------------|------------------------|------------------------|------------------------|---------------------|--|
| <p><b>Lokwenetisako</b></p> <p>Uhumushe sihloko ngalokwenetisako. lamanye emaphuzu awakahlolisiswa Kunemaphuzu latsite lamahle lasekele sihloko. Leminye imibono yesekelwe kepha bufakazi kulesinye sikhatsi abenetisi. Kunekuvisisa luhlobo lwembhalo nenkondlo ngalokwenetisako.</p>        | <p><b>4</b><br/><b>50 – 59%</b></p> |                     | <p><b>6 – 7</b></p>    | <p><b>5½ – 6 ½</b></p> | <p><b>5 – 6</b></p>    | <p><b>4½ – 5 ½</b></p> | <p><b>4 – 5</b></p> | <p><b>Lokwenetisako</b></p> <p>Uhumushe sihloko ngalokwenetisako. lamanye emaphuzu awakahlolisiswa Kunemaphuzu latsite lamahle lasekele sihloko. Leminye imibono yesekelwe kepha bufakazi kulesinye sikhatsi abenetisi. Kunekuvisisa luhlobo lwembhalo nenkondlo ngalokwenetisako.</p> |
| <p><b>Lokuncomekako</b></p> <p>Ukhombisa kuvisisa abuye ahumushe sihloko ngalokuncomekako. Imphendvulo inemininingwane lencomekako. Unikete imibono levakalako, kepha ayikesekelwa yonkhe ngendlela lelindzelekile. Kunebufakazi bekuvisisa luhlobo lwembhalo nenkondlo ngalokuncomekako.</p> | <p><b>5</b><br/><b>60 – 69%</b></p> | <p><b>7 – 8</b></p> | <p><b>6½ – 7 ½</b></p> | <p><b>6 – 7</b></p>    | <p><b>5½ – 6 ½</b></p> | <p><b>5 – 6</b></p>    |                     |  |
| <p><b>Lokwenetisako</b></p> <p>Uhumushe sihloko ngalokwenetisako. lamanye emaphuzu awakahlolisiswa Kunemaphuzu latsite lamahle lasekele sihloko. Leminye imibono yesekelwe kepha bufakazi kulesinye sikhatsi abenetisi. Kunekuvisisa luhlobo lwembhalo nenkondlo ngalokwenetisako.</p>        | <p><b>4</b><br/><b>50 – 59%</b></p> |                     | <p><b>6 – 7</b></p>    | <p><b>5½ – 6 ½</b></p> | <p><b>5 – 6</b></p>    | <p><b>4½ – 5 ½</b></p> | <p><b>4 – 5</b></p> |  |

|   |                                     |  |  |                     |                       |                       |                       |                      |
|---|-------------------------------------|--|--|---------------------|-----------------------|-----------------------|-----------------------|----------------------|
| <p><b>Lokulingene</b></p> <p>Umtamo lolingene wekuphendvula umbuto. Imphendvulo ikhombisa lwati loluncane ngesihloko. Imibono ayanelisi kunekusekela lokuncane lokuchamuka enkondlweni. Umfundzi usengakaluvisisi luhlobo lwembhalo nobe inkondlo.</p>                | <p><b>3</b><br/><b>40 – 49%</b></p> |  |  | <p><b>5 – 6</b></p> | <p><b>4½ – 5½</b></p> | <p><b>4 – 5</b></p>   | <p><b>3½ – 4½</b></p> | <p><b>3 – 4</b></p>  |
| <p><b>Lokuyincenye</b></p> <p>Akavisisi sihloko. Imphendvulo inekuphindzaphindza kulesinye sikhatsi iphumile esihlokweni. Imibona ayikajuli, emaphutsa ekihumusha/Imibono ayikasekelwa ngalokusenkondlweni. Umfundzi akanalwati lwehlobo lwembhalo nobe inkondlo.</p> | <p><b>2</b><br/><b>30 – 39%</b></p> |  |  |                     | <p><b>4 – 5</b></p>   | <p><b>3½ – 4½</b></p> | <p><b>3 – 4</b></p>   | <p><b>1 – 3½</b></p> |
| <p><b>Lokungenamphumelelo</b></p> <p>Imphendvulo iinekuhamisana lokutsite nesihloko kepha kulikhuni kuyilandzela nobe esikhatsini lesinyenti iyanhlanhlatsa. Wehlulekile kuphendvula sihloko. Umfundzi akanalwati lwehlobo lwembhalo nobe inkondlo.</p>               | <p><b>1</b><br/><b>0 – 29%</b></p>  |  |  |                     |                       | <p><b>3 – 4</b></p>   | <p><b>1 – 3½</b></p>  | <p><b>0 – 3</b></p>  |

[10]

**SICHIBIYELO B****EMARUBHRIKI EKUMAKA INDZABAMBHALO YENOVELI NEMDLALO****I-Rubhriki yekuhlola I eseyi yeTemibhalo-(25 emamaki)**

| <b>EMAZINGA<br/>EMAMAKI LAKLONYELISWAKO</b> |   | <b>LOKUCUKETFWE (15)<br/>KUCHAZWA KWESIHLOKO,<br/>KUJULA KWEMIBONO, KUSEKELA NEKUVISISA UMSEBENTI<br/>LOMELE WENTIWE.</b>  | <b>EMAMAKI<br/>LAKLONYELI-<br/>SWAKO<br/>NALOKUPHA-<br/>WULWAKO</b> | <b>SAKHIWO NELULWIMI (10)<br/>KUHFULEKA KWEMISEBENTI NEKUSENTJETISWA<br/>KWELULWIMI. LUHLAKA, SAKHIWO KULANDZELANA<br/>NEKWETFULWA KWEMIBONO<br/>-KUSENTJETISWA KWELULWIMI ITHONI NESITAYELA<br/>LESIFANELE.</b>  |
|---|---|--|---|---|
| <b>Lizinga 7</b><br>80% –100%               | <b>Emalengiso</b><br>12 – 5<br>Emamaki                  | -Sihloko usivisisa ngalokujulile.<br>-Tonkhe tinhangotsi tesihloko tidzingidvwe ngalokuphelele.<br>-Imphendvulo ingemalengiso(90% – 100%).<br>-Kunemibono lenembako levakalako lesekelwe ngekucaphuna encwadzini lefundvwako.<br>-Luhlobo lwembhalo nencwadzi lefundvwako ukuvisisa kahle.                             | <b>Emalengiso</b><br>08 – 10<br>Emamaki                             | -Sakhiwo sihleleke kahle, tindzima tikhomba budlelwano bemicondvo lobuhlanganiswe ngebuciko.<br>- Singeniso nesiphetho kubhaleke kahle kakhulu.<br>-Imibono lebalulekile ihlelwe kahle kakhulu yasekelwa ngalokuvakalako.<br>-Lulwimi, ithoni nesitayela kukhomba kucabanga lokutfufukile, lokuncomekako nalokwemukelekako. |
| <b>Lizinga 6</b><br>70% – 79%               | <b>Licophelo<br/>Lelisetulu</b><br>10½ – 11½<br>Emamaki | -Sihloko sichazwe ngendlela lekhomba kuvisisa umsebenti. Tonkhe tinhangotsi tesihloko tidzingidvwe ngalokwanele.<br>- Imphendvulo inemininingwane yonkhe ledzingekako.<br>- Imibono levakalako minyentana.<br>-Isekelwe kahle ngekucaphuna encwadzini lefundvwako.<br>-Luhlobo lwetemibhalo nencwadzi ukuvisisa kahle. | <b>Licophelo<br/>lelisetulu</b><br>7 – 7½<br>Emamaki                | -Indzaba ihleleke kahle.<br>-Singeniso nesiphetho kuhle kakhulu.<br>-Imicondvo, nemibono yakhe ilandzeleka kalula.<br>-Lulwimi, ithoni. Nesitayela kwemukelekile futsi kuhambisana nenhlosongco yembhalo.<br>-Indzaba yefuleke kahle.   |
| <b>Lizinga 5</b><br>60% – 69%               | <b>Lokuncomekako</b><br>09 – 10<br>Emamaki              | -Indzaba ikhomba kuvisisa nekusichaza kahle sihloko.<br>-Imphendvulo inemininingwane lencomekako.<br>-Leminye imibono levakalako iniketwe yasekelwa ngekucaphuna encwadzini, kodwa hhayi ngalokunembako<br>-Tikhona tinkhomba tekuvisisa luhlobo lwetemibhalo kanye nencwadzi lefundvwako.                             | <b>Lokuncomekao</b><br>6 – 6½<br>Emamaki                            | -Sakhiwo siyacaca nemicondvo yetfulwe ngalokulandzelekako.<br>-Singeniso, siphetho, naletinye tindzima kuhleleke ngalokukhomba budlelwane bemicondvo.<br>-Kwefulwa kwemibono kuyalandzeleka.<br>-Lulwimi, ithoni, nesitayela kuyancomeka futsi kuyemukeleka.  |



|                               |  |  |   |  |
|-------------------------------|--|--|---|--|
| <b>Lizinga 4</b><br>50% – 59% | <b>Lokwenetisako</b><br>7½ – 8½<br>Emamaki | <ul style="list-style-type: none"> <li>-Sihloko sichazwe ngalokwenetisako kodvwa akakhoni kudzingidza tonkhe tinhlangotsi.</li> <li>-Ikhona leminyane imibono lesekelwa sihloko.</li> <li>-Cishe yonkhe imibono yesekelwe kodvwa lobufakazi abusibo lobujabulisako.</li> <li>-Luhlobo lweTemibhalo nencwadzi ukuvisisa kancane.</li> </ul>   | <b>Lokwenetisako</b><br><br>5 – 5½<br>Emamaki | <ul style="list-style-type: none"> <li>-Tikhonyana tinkhomba tekuhleleka kwendzaba.</li> <li>-Indzaba ite kahle sakhiwo lesinemicondvo lelandzelekako lebungene kahle.</li> <li>-Kunemaphutsa ekusebentiseni lulwimi.</li> <li>- Ithoni nesitayela kusebentiseke kahle.</li> <li>-Sikhatsi lesinyenti tindzima cishe tibhaleke kahle.</li> </ul> |
| <b>Lizinga 3</b><br>40% – 49% | <b>Lokulingene</b><br>6 – 7<br>Emamaki     | <ul style="list-style-type: none"> <li>-Imphendvulo ayinalo lisasasa, ayihehi.</li> <li>-Imphendvulo ikhomba kusivisisa kancane sihloko.</li> <li>- Imibono ayivakali kahle futsi uyisebentisa kancane incwadzi kwesekela imibono yakhe.</li> <li>-Umfundzi akaluvisisa kahle luhlobo lwembhalo noma lencwadzi lefundvwako.</li> </ul>   | <b>Lokulingene</b><br><br>4 – 4½<br>Emamaki   | <ul style="list-style-type: none"> <li>-Luhlaka nesakhiwo lunemaphutsa.</li> <li>-Imibono ayikahleleki ngalokukhomba kuhambelana kwemicondvo.</li> <li>- Kunemaphutsa ekuhleleni tindzima.</li> <li>-Kunemaphutsa ekusebentiseni lulwimi.</li> <li>-Ithoni nesitayela akuhambisani nenhloso yalombhalo.</li> </ul>                               |
| <b>Lizinga 2</b><br>30% – 39% | <b>Lokuyincenye</b><br>4½ – 5½<br>Emamaki  | <ul style="list-style-type: none"> <li>-Sihloko usivisisa kancane ngalokungenetisi.</li> <li>-Uyatiphindzaphindza, ahle aphuma nasesihlokweni anhlahlatsa.</li> <li>-Imibono ayijuli, inchazelo yesihloko inemaphutsa.</li> <li>-Imibono ayikasekelwa ngekucaphuna encwadzini lefundvwako.</li> <li>- Incwadzi akayati kahle neluhlobo lwetemibhalo akaluvisisa kahle.</li> </ul>  | <b>Lokuyincenye</b><br>3 – 3½<br>Emamaki      | <ul style="list-style-type: none"> <li>-Indzaba yetfulwe ngalokungenelisi.</li> <li>-Kweswelakala kwesakhiwo kwenta imibono ingalandzeleki.</li> <li>-Lamaphutsa lamanyenti avele ente le eseyi ibe ngumbhalo longakaphumeleli.</li> </ul>   |
| <b>Lizinga 1</b><br>0% – 29 % | <b>Akunamphumelelo</b><br>0 – 4<br>Emamaki | <ul style="list-style-type: none"> <li>-Imphendvulo inako kuhambelana nesihloko kodvwa imibono ilandzeleka kalukhuni.</li> <li>-Kulesinye sikhatsi ayihambelani nesihloko.</li> <li>-Umbuto awukaphendvuleki ngendlela lefanele.</li> <li>- Imibono leminyane lekhona ayikasekelwa ngekucaphuna encwadzini lefundvwako.</li> <li>-Kuvisisa luhlobo lwetemibhalo noma incwadzi lefundvwako kusezingeni leliphansi kakhulu.</li> </ul> | <b>Akunamphumelelo</b><br>0 – 2<br>Emamaki    | <ul style="list-style-type: none"> <li>-Kulukhuni kubona kutsi uphendvula ngesihloko labutwe ngaso.</li> <li>- Kute luhlaka nesakhiwo.</li> <li>-Kute tindzima noma kuchumana kwetindzima noma kwemicondvo.</li> <li>- Lizinga lekusebentisa lulwimi liphasi kakhulu.</li> <li>- Ithoni nesitayela akukasebentiseki kahle.</li> </ul>            |

[25]